



Lislaam ka be sēn na n wa faril Puusgo, n maneg a koomā yōgbo, la a maan yīn-yōgnego a Rukuu wā, rēndame tū Puusgā yī n yaa zūnuub yaafgo, zūnuub-rāmb nins sēn reng Puusgā taoorā, t'a sā n ka tum zūnuub bedre, la rēnda yaa a vūmā gill pugē

Yii a 'Usmaan nengē (Wēnd yard be a yīnga) a yeelame: Mam wūma Wēnd Tēn-tūumā (Wēnd puusg la A tūlgr be a yīnga) t'a yetē: «Lislaam ka be sēn na n wa faril Puusgo, n maneg a koomā yōgbo, la a maan yīn-yōgnego a Rukuu wā, rēndame tū Puusgā yī n yaa zūnuub yaafgo, zūnuub-rāmb nins sēn reng Puusgā taoorā, t'a sā n ka tum zūnuub bedre, la rēnda yaa a vūmā gill pugē».

[Naşun Şahuhun (Gom-sikdem sēn manege)] [A Muslim n togs-a]

Nabiyaamā (Wēnd puusg la A tūlgr be a yīnga) vēnegdame n wilgdē, tū lislaam ka be, tū Puusgā wakatā, sēn yaa farilā sēn na n ta, t'a maneg a koomā yōgbo, n pids-a, rē poorē n puus ne Wēnd zoēga, t'a sūurā yaa sēn be, t'a yīn-wilā fāa yaa sēn toglg Wēnde, n wa ne Wēnd zislemā, n pids Puusgā tūum gilli, wala Rukuu la Suguud la sēn wōnd rē, rēndame tū Puus-kāngā yī yaafa ne zūnuub sēn reng taoore, sēn yaa zūnuub bāanego, t'a sā n ka tum zūnuub bedre, la kūun-kāngā, a yaa sēn wogend zamaanā woglem fāa la Puusg fāa pugē.

<https://sunnah.global/hadeeth/mos/show/6254>